

¡BOMBA!

Puros desastres, la neta.
¿Cambiar el mundo podemos?
¿Esperanza? Sí, tenemos:
hay que cambiar de planeta.



k'uintsil

Edición de fin de semana, del viernes 15 al domingo 17 de julio de 2022

CAMPECHE · YUCATÁN · QUINTANA ROO · AÑO 8 · NÚMERO 1780 · www.lajornadamaya.mx

XCH'ÓOP KAAAN

YÓOK'LAL TSIKBALO'OBÉ' CHÉEN BEEY
U KÍINSA'AL LE BA'ALCHE'A'



Tu yáanal tikin le'ob baanal tu petenil Yucatáne' kaja'an juntúul ba'alché' úuch jóok'sa'ak u tsikbalil; ts'o'okole' kajnáalo'obe' -kex tumen mixba'al ku beetike'- ma' uts tu yichi'. Xch'óop kaane', (*Amerotyphlops microstomus*) kex beey u k'aaba'o', yaan ka'ap'éel u yich; yéetele' ku béeytal u yilik u jela'anil saasil ti' éek'jolch'éen. Tumen yáanal lu'um kaja'ane', u yiche' pixa'an yéetel eskaamáas, le beetik ma' jach séeba'an u yila'alobi'.

"Ku jaantik siiniko'ob, k'amaso'ob yéetel u mejenil; sijil tu petenil Yucatán yéetel u chowakile' ma' tu píitma'ansik 35 cms", tu tsikbaltaj

jbiologóo Pedro Nahuat Cervera, máax jo'olbesik u múuch'kabil Ekuneil Yucatán.

Uláak' ba'al tu ya'alaje Nahuat Cerverae', ma' jach ojéela'an ya'abach ba'al yóok'lal bix u ya'abta'alo'obi. Ma' ya'abach ba'al xak'alta'an yóok'lal le ba'alché'a' tumen ma' suuk u yila'ali'.

Mix ba'al ku beetik ti' wíinik, ts'o'okole' tak ka u yóot chí'ibale', ma' tu béeytal yóok'lal beyka'aj u nojochil u chí' yéetel u koj. U wíinkilale' beeta'an ti'al u béeytal u jíiltikubáaj lu'um. Suuk u yila'al tu petenil Yucatán; tu xamanil Guatemala yéetel Belice.

JUAN MANUEL CONTRERAS
OOCHEL PEDRO E. NAHUAT